



KBC/Thuso

May/Lhaphul 2021

KUM
57
Lhinna
So503

Regd.No.19134/88
<http://www.kbc.org.in> NAI/220/99
No-G-4/Regd.Magazine/
KBCThuso/MNP-81

PEN TECOST

JUNE EVENTS

Environment Day - 06
Pate Nikho - 20

"Kapa theng eini pumkhat ihi bang a amaho jong pumkhat
ahitheina ding un, Nangman amahohi hong in"

John. 17:11



Keithelmanbi Solam B/Church Men Silver Jubilee



Gopibung Men Dept. Silver Jubilee



MBC Development committee n KBC development committee visit to Chassad

CONTENTS

THUMAKAI HO

KOUBRU MOL LE KUKITE DINMUN/ <i>Editorial</i>	2
NAOMI THUSIM	4
Zion Lampi phat thei chana/ <i>Rev Lamkeng Lhouvum</i>	6
THOUDOH IN/ <i>Rev. Onkho Haokip</i>	9
Chibai ! Sah chungnung nute/ <i>Nu Hatneilam Haokip</i>	14
Mission Column	15
Men Column	23
Youth Column	24
Holistic Development Column	25
Office Diary	27
Gambih/Centre Church Diary	28
KUKI CHRISTIANTE LAH'A AMASAPENHO	33
TAHSA LEH LHAGAO PUIHINGTHEI THUGOLHO	34
Servanthood Quotes	35

EDITORIAL BOARD

<i>Chairman</i>	: <i>Rev. Tonglet Haokip, President KBC</i>
<i>Editor</i>	: <i>Dr. M. Thongkhosei Haokip, General Secretary</i>
<i>Joint Editor</i>	: <i>Rev. Onkho Haokip</i>
<i>Contributing Editors</i>	: <i>1. Rev. Thongkhohun Touthang</i> <i>2. Rev. Lamkeng Lhouvum</i> <i>3. Rev. Tongmang Haokip</i> <i>4. Ms Tingneihing Kipgen</i> <i>5. Rev. Lunkhosei Tuboi</i> <i>6. Rev. T. Thangkhosei Haokip</i>

Design & Layout – Pu S. Lenboi Haokip
Circular Manager – Pi Vahboi Baite
Recorder – Ms. Nemhoichong Haokip

THUSO LAHMAN

Church/Organisation/ DepartmentRs. 300/-
Individual Rs. 200/- (Post a Rs. 250/-)

Indian Overseas Bank, Imphal Branch
A/c No. 073201000000350 IFSC No. IOBA0000732

The General Secretary,
Kuki Baptist Convention,
Opp. DM College, Imphal 795001, Manipur
email: kbcindia@rediffmail.com

Advertisement bolnom hon Mobile No. 70895979446 Contact thei.
Circulation to kisai lam Mobile No. 9862107393 bol ding.

Editorial...

“KOUBRU MOL LE KUKITE DINMUN”

(Gen.37:19)

Editorial

*“Molsang kikhang sang jouse jong amaa jeng ahi”
(Psalms 95:4b)*

*“Chuin mipi chu alhah doh jouvin atao dingin mol a chun
achomin akal touvin ahi.” (Matt.14:22)*

Tulaiya Manipur gamsunga Kukite dinga issue le challenges tampi itoh tauvin, hicheho lah a anukhahpen le tutua miho kihoulimna pen chu Koubru Mol toh kisai lampang ahung hitai. Namdang toh kisaina themkhat umjong le ahideh a phaitola cheng Meilheite toh ikikah uva sagu kisp dan in ahung umtan, lamkai vaibol ho le thilbol ho achih theilouva ahile iP-then houna munho ahintosh khah dinghi ginchat ahi. Milheite houbuh bollhima ham accident a hama kihallhah peh hin alunghimu asuna lseh tan, bollou lou ding jong ahinbol doh thei diuvin jong ginmo ahitai. Hiche thil neocha ho khat hin nam khat le namkhat kitimatna (relationship) ahin kahset theyin aumjin, Kuki-Naga gal kipattil a koiham khat in War declare abol bep chu hung hithei ding dinmuna umtheiyin akilange.

Ipi jeh a Meilheiten Koubru achu theyyu ahidem? Ahilouleh Manipur government in ipi thanopna aneyyu ahidem? Meilheitehi eiho sanga nam khangtou jep ahin khat hi ahile, apu-apateuvin khonung ding anamusao uve. Thinglhanga ana chen theilou vang uva hi amaho pathen (Lai) hohi thinglhang ning muntina anakoi uva, song atun uva, buh asah peh uva, hitia chu khonunga gamlahna dinga anagel peh u chu ahi. Naga area sungahi hitobang hi abolu akihepoi, amahon asuhsetpeh u jong le imacha aseingam pouvin, aimchah theiuve. Ahin, Kukiho lah a chutobang akibol teng tin le ha kithoa (hue and cry) pang jengu ahi. Tuchunga jong hi example khat hitheiy-inte .

Ahileh, ipijeh pena government ahin manchah theyyu ham ti hi ikhola ahile amaho muntheng lah a Kuki ten Kani lei ibol uva isuhboh u ahi ti jong ajeh khat in ahung um tai. Phatah a ivet leh hitia kani lei kibol lou hile Meilheiten government mangcha in hitobangin thanopna le khut thil lutna ahinnei nadem ti hi ahi. I Bible u ivet le adih tah beh jengin ahi, ajeh chu Mol hohi Ama (Pathena) a ahi. Chuleh, iPak-aiyun jong hiche munlah chu taona munin amange. Hichun mol hohi muntheng ahiuve tina hipontem? Kukite vang Koubru jeng bou hilouva ichennau muntina imol-ilhang jouseu Pathen le mihem deilou bolna a iman jeh uva ichunguva gaosapna khat chu hinte ti tailou adang aumin akihepoi. Nitin a ikivahnau jong Pathen toh kinaiya hahsa lleh hen vaicha jong le kitahna nei ding tisanga kitahna neilouva haosatah hiding ikilhenjoh danun akimutai. Bible in ideipeh louvu ngenbeh ibol tah jeh un eiho eisu genthei diu namdang ahat apil ho eichoudoh peh u hidingin ginchat ahi.

Lungluttah a simho le taoho jouse chung Pa-then vangbohna chang cheh tauhen.

NAOMI THUSIM



Sermon

Thumakai

Israel gamsung a numei le pasal thua thenlouna, milim semthu houna le gal tam laitah thutan vaihomho khanglai thilsoh lungset umtah thusim umsun chu Ruth thusim ahi. Chidang namdang mite lah a Moab gam mi, meithai Ruth in agam leiset le thil ijakai adalhah a Israel sung a Bethlehem kho mi atehpi Naomi nung ajuina ahi. Pa-then in akiphalthengnaho phatthei anabouh jeh in Boaz loulai a ana puilut in achaina in ama jiding a lomtah akinaipi Boaz chu ama jipa in ahung pang in ahi. Boaz akon a David chule David chilhah akon Huhhingpu hung kondoh ding dan mudoh thei ahi. Chule Naomi minu lolhing tah le tehpi lolhingtah ahidan sangtah in akimun ahi.

Thulai

Thutan vaihomho khanglai in Bethlehem khopia kel nasatah in analha in ahi. Hiche Bethlehem khopi achun Israel mi Elimelech mi khat ana um in ahi. Amapa chun kiel lhah jeh chun ajinu

Naomi le achapateni Mahlon le Chillion akipui in Moab gam lam a puhsui in ana che mang tauvin ahi.

Moab gam alhun un Mahlon in Orpah akichenpin chule Chillion in Ruth akichenpin ahi. Ahilah

cha le nao anei masang un Elimelech athi tan chule achapa teni jong athi lhon tan ahi.

Elimelech in ajinu, Naomi chu meithai in adalhan, achapa teni Mahlon le Chillion in Moab numei ni, Orpah le Ruth jong chu meithai in adalha lhon e.

Meithai khat hinkho bon koiman dou joulouva tua insung khat a meithai thum aum uhi vannoiya thohhahsa pen khat ahitan ahi.

Naomi in Israel gam a kiel lhah akichai tai ti thuthang ajah jeh in agam sung a kile kit ding in lunggel ahin neiyin ahi. Aman amou teni chu Moab gamsung a umden a ji thah nei ding in ajole, ajeh chu chuche lai chun jinei lou hinkho chu bitna umlouvin ana gel un ahi.

Orpah in Naomi thusei bang in Moab gamsung a chen den ding alhengjo in amin akinung phah kit tapoi. Ahinlah Ruth chun Naomi akolchahjo in, Israel Pathen ajuijo tan ahi. Amanu in Pathen le Naomi ngailutna jal in ama chondan, mite, le pao anangnungsun tan ahi.

Naomi genthei laitah chun Ruth chu loujaova changkhai hol in ana sol in ahi. Pathen vetbitna khut chun Naomi toh kinai cha Boaz kom analhu in ahi. Boaz chun Ruth chu alungset in, avengbit in chule adeiho ana pe tan ahi.

Naomi in chuche lai tah a chon-

dan kichepi Sopi-Huhdohna chondan mang cha ding in Boaz tepna anei in Boaz in Ruth akichenpi thei ding dinmun ahitoh lhon in akichenpi tan ahi.

Hijeng jongleh Pathen dinga ima ahimo umlou ahijeh chu Ruth tahsanna le kipehdohnahouse Pathen in aphatcha in aphungvuh in Boaz in ahin kichenpi in ahi.

Amani chu cha le nao in vangboh ana chang lhon in chapa Obed ahing lhon in Obed akon in Jesse, Jesse akon in David, David akon in Jesu Christa ahung peng e.

Thukhumkhana

Sopite, Pathen kom dalhah a vahmangho hinkhoa hahsatana ana lhung nom ten jin ahi. Hiche hahsatna chu mijousea akibang poi, ahinlah itibang dinmun a umho hi jongleh Pathen henga ikile kit uleh idam ding uhi.

Naomi hinkho hi ivetleh minu ahilouleh tehpi lolhing mama ahidan akimudoh in ahi. Aji le in adalhan jouva inchen kiledohsah kit chu ama ahi, chule a mounu ngailutna neitah a hin khou khah a Ruth vannoiya minu lolhinga hinsemboh chu Naomi ahi. Minute kiha bol cheh uhitin Naomi banga minu lolhing le tehpi lolhing hithei cheh ding in Pathen hatna song in pan la jing ute.



Zion

Lampi phat thei chana



*Rev Lamkeng Lhouvum
Secretary, Mission & Evangelism KBC*

Article

Thumakai:

Leiset chung a mihem te din chena ding lampi tampi aume. Lampi nache nomna chu hoilai ham chuleh hoilai chu nang'a chena phat thei chana ahidem ? Leiset chung'a lampi nom tamtamta aume. Hijong leh nachena na lampi nom hih jong le chun In jotna lampi hi lung mon na pen ahi. Boina kitoh cheh jong leh mi gam'a boina to leh inmun'a boina kitoh akibang poi. Lampi hicheh cheh jong leh in jotna lampi vang nom akisa cheh in kinepna pum'a akikal songe. Zion lampi phat theina lampi ahi.

1.Pathen houna lampi (The road to worship) vs 1-4

Hiche a Psalm sun pa hi hoilanga che nomna lung vul anei

ham ti aseidoh in ahi. Aman Pathen Houin theng'a achenomna alungvul thu aseidoh in ahi. Leiset chung'a che nom na ding lungvul tamtah lah'a ma pa hi Pakai nkom'a um ding lung vulna anei jin ahi. Aman, " Nangma chena in chu in chu itiobang'a ngai chat um hitam, kalhagaovin alha ngai jingin alengvaitai" atin ahi. Achung chona vachaten jong ain akimun, "Vatou ten jong a in akimun, pengpalep ten jong anou opna ding buh akisem theiye" ati. Hitobang chu Pakai Hou ding chu lungvulna anei jin ahi. Pakai ina cheng te chu anun mone, tanglouva na vahchgoila sajing te chu ati. Zion lampi Pathen houna chu alhangaiya alungvul ahi.

2. Zion lampi che ho: Vs. 5-6

Leiset chung'a chenomna, Ju dona lampi, adih louna lampi, leh lampi dang dang tampi aume. Ahin Zion jona lampi a che ten vang "Thahatna" akimun ahi. Bible chun " Athahtna nanga kisongte chu anun nome, alungsunguva Zion jotna lamlan akilhungin ahi"

Pakaiya kon'a thahatna, Nou thah kitna akimunjjuvin ahi. Pathen kom'a kineosahna neiya Lhagao van daitui chapnou ahung um teng leh Lhagao go hung ju lha a Tuiphul asosah thei ahi. "Beca phaicham ajotn tengu jong leh Twisan putna tuina tampi umna bangin abollun, Gotui hung lhah masa penin jong Tuikul tampi ahin semdoh peh jiuve" Leiset gotna tui sang let sah thei Pathen ahi. Hiejeh chun Zion lampi nache leh nang jong leiset go banga um nahin kho chu gutui lona hinkho nahisah ding ahi. Hiti chun Zion lampi jonte chu thaha cheh cheh in akijotnun vin, Thahat doh na mun pi chu ahung hitai. vs 7

3. Pathen toh chenkhome lampi: vs 8 -10.

Pathen toh kihoulim khona , Hung kho ngaitemin O, Jacob Pathen ! Vo, Ka Pathen Kalummu hi hin ve temin, Pathen toh kihoukhom anopdan chu akimun ahi. Kholjin mi hina a ki houlimpi thei Pathen alung dei jouse aseidohna chu ahi. Hiche Zion

zotna lampi a chu Pathen toh kimuitona, kihoulim khomna ahina ban, mundang sanga nom chung nu jo ahi ati. "Hijeh chun gitlouna ponbuh sung'a chen ding sangin, Ka Pathen inpi kot ngah a pan ding kanomjoi." Vs.10 Aseinom pen chu Leiset chung a Pathen toh chenkhom anom ;penne atina ahi. Mun dang sang'a Paki umna a um nom, Khopi sanga School, College kaiya, service bol a um'a O, Hoilaiya kakikhopding ham tia hol hol jeng ho, ngaito to jeng ho Pakai houin jon nom jing ho chu anun mon ahi.

4. Pakai Ama tah toh kipah khomna : 11-12

Kingailutna ina chen nom akisan ahi. Pakaiya akisona, akipa pina chu " Pakai chu Nichang leh Lum ahi" Pakaya aum phatna venbitna achana, alung monna ahin, adih a lamjot te din Hepina jabolna ahoppeh jin ahi. Achaina pena "O, Than neipen Pakai,

Nanga kingai mite chu anun nome" ati.

Pathen lam jon pou pou leh phat theina chan ding thu aseijin ahi. Hijeh chun leichung lampi tam lah'a Zion lampi a che te chu phat thei chang ding ahi.

Thuchaina:

Rev. L. Dino Touthang, tu hin Pathen lungset in Pathen natong din Chengmai (Thailand) kachetai ati leh Nupi khat in Pu Rev L. Dino Touthang in keima tun Sekmai lam'a kache tai ati(Chengmai chu aseithei lou ham, ajah khel ham Sekmai dana ana seido ahi). Hichun Rev L. Dino in, ahinai phat khat lai jin Sekmai lampia kana chen ahi. Ahin hiche mun'a kon'a chu kahung kile doh'a tua Pathen in aeilungset na jallin ana tong din Chengmai kachetai arin ahi. Sopite tuni ichenao lampi ve pha kitnu hite. Zion lampi a che din Pathen in ei kouvun ahi.

THODOH IN SALVAHTAN



Isaiah 60:1

Rev. Onkho Haokip
Joint Editor, KBC Thuso

Sermon

Thoudoh in salvah tan, ajeh chu na khovah ahung lhung tai; Pakai loupi-na chu nangma chungahung lhung tan ahi.

Leisetna eihingnu nu ka neiye tijouse hung dingdoh tem uvin. Keima minu khat ka hi tise se ding den unlang, minu ka hipoi tijouse tou tauvin. Ibonchavuin nu inei cheh uvin ahinlah ibonchavuin minu ihi thei pouin ahi. Pathen in nu le pa hi ajeh neiya eipeh u ahi. Minu hija insunga minu anichanna jong um thei ahi. Minu hija insunga mipa toh kiboina nei jong um thei ahi. Minu hija tahsa damlou jong um thei ahi. Minu hija tehpi dinmun na chan jong hita maithei ahi. Minu hija meithai jong na hi maithei ahi. Minu hija ichen kisemtup loulai jong na hi maithei ahi. Minu hija kipah theilouhel le lungmong theilou na himaithei ahi. Minu hija ji le cha chungahung lungnatna nei na hi maithei ahi.

Tunin Pathen in Thoudoh a Salvah ding in ei dei cheh uvin ahi. Mihem in eiho eimu teng uleh iboinau amu thei uvin ahinlah Pathen ineimu teng uleh iboltheinau ave jin ahi. Mihemten na hinkho ahin vet teng uleh na hinkho

chesa ave jiuvin ahinlah Pathen in ahin vet tengleh ahung lhung ding na hinkho bidoi joh ahin mu thei in ahi. Na thusim sang in na mailam hinkho a na bidoi chu alenjon ahi. Ka hung kondohna sang in ka lhunna ding hi athupi jon ahi. Numei Kum 12 thilong nu

thusim Bible a imu uvin ahi. Kum 12 hi phat chom ahipoi. Lha 144 chu kum 12 ahin hapta 624 ahin phat chomcha hilouhel ahi.

Tunia jong mi ijat ham khat hin boina saotah tah ihin nei tah maithei u ahi. Na boina chu numei thilongnu banga thi long chu hilou maithei ahi. Kimkhat in sumlepaiya boina kumkho sot tamaithei ahi. Service a boina, Lhagao lam boina, lekhasimna boina, lhacha natohna boina, dammona jeh a boina. Ahinlah kipa umtah chu vannoiya boina jouse hin kichaina nikho (expiry date) anei cheh in ahi. Na dinmun chu angahna ahi nai poi. Tua na boina chu na kichaina ahipoi. Boina lentah ito teng uleh mihem hina in akichaina khat le angahna chan akilhung tai tin thugei hena (fullstop) akikoi nom jin ahi. Ahinlah mihem in fullstop akoi jou tengleh Pathen in thugol thah ahin jih pan jin ahi. Amanu in kum 12 sung in anei agou jouse akijendamna ding in ana sumang tan ahi.

Mihem kimkhat hinkho boina hi boina akon a boina cheh in alhunkhum jin ahi. Ahinlah Pathen in akichaitai ati masang in kinepna na nei nalaiyin ahi. Chule hiche mun akon achu na thodoh lou leh na kichai den ding ahitai. Hiche numeinu hi Jesu in mitcho kho amunsah, elbai lam ajotsah, thi athodoh sah le thil kidang jathom chom abolho chu anajah

himaithei ahi. Gentheina le hahsatna na to tengleh ka kichai tai tin sei hih in, chomkhat sung ka dei bang in ka um hih e tin sei jon.

Luke 1:37 – Pathen akon in thil jouse (themkhat hilou, abonchan) ahithei sohkeiyin ahi. Na ngaichat jouse Pathen in abonchan na hinpe thei in ahi. Na thodoh tengleh na salvah ding ahitai. Ijat vei lhu jonglechun na thodoh kit ding ahi. Michonpha chu sagivei lhu jongleh thodoh kit ding ahi. Na che khah louna mun a na che ding ahi. Na mukhah lou thil na mu thei ding ahi. Na nei khah lou na nei thei ding ahi. Na chan khah lou na chan ding ahi. Na hin munem hon na hin mu sang ding u ahi. Na hin nungsun hon na hin san dingu ahi. Mihon nang Pathen ahinsan ding u ahi. Mihem in na chungang sapsetna akoi masang in Pathen in phattheina ana koi masa jon ahi.

Kipa um tah chu ahileh Pathen akon phattheina jouse hi mihem akon sapsetna jouse sanga thaneijo ahi. Nang koi na hi na kihetdoh theiya Pathen in thil ijat na gonpehsa um ham ti na hetdoh tengleh boina mai mai in Pathen thilgon asuhtang ding na nop lou ding ahitai. Ibonchauva inu uva kon a hung kon ihipouvin Pathen in inu ahin manchah akon mihem hinkho hung pengdoh ihuvin ahi (You did not come

from your mother but through your mother; you came from Almighty God). Mihem hung kondohna chu Pathen ahin ahinlah tahsa mel a ahung pendoh theina chu minu ahi.

Achesa hinkho a thil dihloou tam-tah um kha maithei ahin, ahinlah ahung lhung ding hinkhoa adih boldohna ding phat kilem chang le damna inei uhi thil mantam tah ahi. Mi kimkhat chu upa tah le nupitah chule tehse ta jongleh anu le apa in ana bolsetnahoa alhasetnahoa aseisei jeng thei nalaiyun ahi. Anu le apa in achunga thilpha sim joulou abolho ageldoh ji tapouvin ahi. Iseinom uchu neolaiya nu le pa chungu ilhasetnahoa seisei a imailam hinkho kisuhset sanga neo laiya pat nu le pa ngailut ichannau geldoh a amaho phattheibohna jal a mailam hinkho lolhin ding hi thupi ahi.

Nang jeh a na nu le na pa kinahna jong tam tah um maithei ahi. Nang umlouna mun a jong amani lungkhamna tamtah ana um maithei ahi. Ahinlah itobang hahsatna le gentheina ana um jongleh amanin nang nana lhakang kha lhon pon ahi. Amani akinah ji lhon vang in nang jeh in akicham kit ji lhon in ahi. Ajeh chu Pathen in nang hinkho hi Ama lungdeiya na pui nom jeh a nang hinkho na nu le na pa kisalel jingkei thei ahi. Minu mipa kimkhat chun kiging

louhel le dei lou hel a cha anei lou maithei ahi. Pathen vang nang pen ding jeh in akigingsa ahin, nu le pa ahin gontup masat ahi.

Kahlah kom kom leh apen a hung peng lou kihileh tia na kigelna jong um maithei ahi. Kahlah kom kom leh nu le pa in jong apen a hung penglou hileuhen eti maithei u ahi. Nungah khat hin vangset umtah in nao ana vop kha tan ahi. Hichun amanu chu lungkham le beidong tah in lam ajot in ahileh mi khat in Bible khat anapen ahi. Hiche Bible chu akipoh in inmun a aphohkeh leh thucheng amu masat pen chu "Israel" kiti ahi. Hichun amanu jong asunga avop anaosen chu ahungpen lhah in amin Israel asah tan ahi. Hiche Israel chu ahung khanglen in America a houbung lenpen Lakewood church a Praise Worship lamkaiyin ahung pang in ahi. Iti ahung pen chu thupi anahipon, iti kithodoh a iti asalvah ham ti chu thupi ahi.

Insung khat a nungah chapang neocha khat ana um in ahi. Amanu chu anu le apa in kum 16 ahin in ahil lhon in, na jinei tokah a koima cha toh na ki chopto lhon lou ding tin ahil lhon in ahi. Hichun numeinu chun alungthim in anu le apa kom a chun "na sei vaigel val lhon tai," anatin ahi. Chomkhat jouvin hiche nungah chapang nu chun dammona khat ahin nei tah jeh chun hospital a

aga kivetsah tan ahi. Gelpah louhel chun Doctorpu chun hiche nungahnu chu naovop ahidan ahinseidohpeh lhon tan ahi. Hichun amanu in bol ding li lah a khat pen pen akilhen ding anei tan ahi – 1). Nao suhmang ding, 2). Ji nei ding, 3). Kitha ding, 4). Nao phatea pensah a jibeiya um ding ahi. Vangphat le vangset umtah in naosen apenlhah lhah in anu in aka ajaman in ahinlah Pasalpa inkote ahung un naosen chu akipohmang tauvin ahi. Hichun numeinu chun atehset geiyin anaosen (aka gin khatvei ajah a amel amu lounu) chu alhangai jing in amu nom jing in lekha athot jin ahol jing jeng in ahi.

Minu in acha angailutna hi athi tokah a amil theilou ahi. Tunin jong nute hin ijat in mimo jongleuhen eingailut teitei jiu ahi. ljem tia iphat uleh midang in kipana apehsanga chungnungjoa kipah jing ahivun ahi. Tunin na nu chungna na lhasetna thei le na lunghanna thei thu (reason) tamtah na nei thei vang in aneina ding tha (rights) na nei pon ahi. Mi kimkhat in na bol thei lou jouse na seipeh maitheiyu ahi, ahinlah Lhagao Theng invang na bolthei jouse na hin seipeh ding ahi. Kim khat in na seiseu hengang na samseu jongleh Pathen in na seiset louva na samset lou pouleh aphatai.

Tunia hiche thu simho jouse jong nu le pa hijongleh Pathen

in thoudoh a salvah ding in eidei cheh uvin ahi. Pathen chun nang dinga gal asat ding ahi. Nang in na nu na kilhen thei tapoi. Nang in na hungpen dan na kilhen thei tapoi. Nang in na pen nikho na lheng thei poi. Ahinlah na mailam hikhoa nang ding na lhen thei tamtah aumin ahi. Sabbath nikho teng leh Judah minu chun thaomei avah ji ahi. Mipa chu minu nunglanga ahung jin minu chu ahin koiyin a chate angunga chun kingailutna chu akimudoh thei in ahi. Hiche chu hapta jousea um ahin, hiche teng chule hapta sunga kinahnaho kibaotamnaho le hahsatna jouse aboncha kicholdo Sabbath anei lhon ji ahi. Hiche Sabbath chu boina, kinahna, kihetkhelna, kijachatna le ijakai kicholdona ahi. Sabbath nikho chondan chom khat chu insung mite in minu dinga thilpeh neo khat apeh jiu ahi. Hapta sunga minu thoh genteinaho le potthonaho jouse kipana a thilpeh apeh jiu ahi. Hiche chu akichai tengleh mipa in minu le chate chungna kipana la asah kit a chate in ahin jui jiu dan ahi.

Lasahna akichai teng leh an nehkhomna khat aum jin ahi. Hiche ankong chu minu in ahon ngai jilou ahi. Mipa ahilouleh chate in ahon jiu ahi akitin ahi. An neh jou teng chuleh minu le mipa chun Pathen phatthei bouh achanna lhon a pum khat hina jong anei lhon ding ahi. Chate chun henu le

hepa akingailut nalaiye ati diu ahi. Sabbath kichai nilhah tengleh insung mite chu apotdoh jiuvin van lam ave jiuvin ahi. Van lam achun ahsi thum ahung kilang jin ahi. Hiche ahsiho chu kho ajin jeh a kimu ahiuve. Hinkhoa jong lungginna le boina atam channa ahsi kimu thei ahi. Ahsi hi phat jousea um hijongleh khojin tengleh bou kimudoh thei ahi.

Pathen hi phat jousea um hijongleh hinkhoa khojinna aum tengleh kimudoh thei ji ahi. Hiche Ahsi thum kilang chu Pa Pathen, Chapa Pathen le Lhagao Theng Pathen tin jong akisei in ahi. Proverbs 31 minu khu mitamtah in mu anom in, chan anom in ahinlah ahithe i lou dan in akigel cheh in ahi. Ajeh chu hiche tobang minu chu vannoi leisetna minu lolhing pen hiding ahi.

Proverbs 31:28 chun – Hitobang numeihi achate ahung kipatdoh uvin, numei nunnom nu ahi, ati- uve. Ajipa jeng in jong hitobang numei hi apahcha cha jeng e. Hijeh chun eihon Proverbs 31 minu hi ide i uleh Proverbs 31 chate le Proverbs 31 pate ihi masat u angai in ahi. Achutieleh amanu chu Proverbs 31 minu chu kiso h ding ahitai. Minu dinmun hi bai lou hel ahi. Ana baijep hihen hileh pas- alho chang maithei u ahi. Pasalho chang uleh nao vop nom povin- tin vannoi leiset hi mi tamtah kip- eng lou maithei ahi. Tu nikhoa

hiche mun a hung kikhom nute jouse hi abonchauva amantam dan u kibang cheh ahiuvin abon- chauva Proverbs 31 minu chu hicheh ahiuvin ahi.

Pathen in vannoiya thil lentah khat aboldoh nom tengleh Vantil ahin sol ji poi. Aman minu ahin sem in hiche minu akon chun thil kidang tampi ahinsemdoh jin ahi. Egypt akon Israelte alahdoh nom chun Jochebed ahin mang cha in Mose ahung peng in ahi. Mose chu nam lamkai anahin, Aaron chu Thempu masapen anahin chule Miriam chu Pathen houkhomna la lamkai masapen anahi. Deborah in hangsan tah a anam mite ding Pathen na ana- toh chu kitilkhouna thei tah ahi. Esther hinkho ivetleh anam mite dinga taona aneiya ahinkho thi le hin kikh a hinkho aman chu anasa lleh jeng in ahi. Shunam numeinu hinkho akivetleh hah- sat genthei pettah a Pathen abel hinkho akimun ahi. Hannah hink- ho akivet leh acha dinga ataona le acha Pathen angunga akat- dohna akimun ahi.

Tulai nute injong chate dinga tao- va chule chate hi Pakai henga kat doh ding in kitil khou ute. Jesu penna nu Mary chun ahinkho chu Pathen natohna le thilgon banga kimang cha ding in kip- haldohna ana neiyin ahi. Luke 8:1-3 – Susanna, Joana le Mary Magdalene, hiche numeiho thum hin Jesu Christa in lhachana ana-

toh lai chun anei agou uvin pan anala un ahi. Lydia kitinu chun Pathen natohna ding in Paul ana kithopi in ahi. Abonchauva minu khat akon hung pengdoh cheh ahiuvin ahi. Pathen in Africa gam a miho soh a kivul alhadoh nom jeh in Abraham Lincoln ahin sol hi ama penna ding in anu mivai-cha Nancy Lincoln. Martin Luther King Jr. penna mivom mivaicha chu Alberta Christine Williams ahin semdoh in vannoi ahin salvah in ahi. Mother Teresa penna Nikolle Bajaxhiu ahinsem doh in vannoi ana salvah in ahi. Vannoi leiset a huhhingna atohnom chun Judah mi Mary ahinsem in Jesu ahung peng in vannoi vah in ahung pang in ahi. Tuni nikhoa nute jouse hi vannoi leisetna mi tamtah lah a nangho jouse hi Pathen in minu khat a na lhendoh u ahitai. Nang in na chate na ngailut banga minu dang in angailut lou ding ahi. Nang in na in-neipu na ngailut banga midang in angailut lou ding ahi.

Itobang boina hung lhung jong leh Pathen in minu khat dinga na lhen khah hi mantam ahi. Hijeh chun iumnauva kon a thoudoh a chunglam a Ahsi thum hungvah toh kilhon a ikimvel salvah ding in Pakai min in ikiteim uvin ahi. Na natoh dungjuiya mihon na hin manchah dingu ahin, na dinmun jong ahin peh dingu ahi. Na natohna mun a angongpai pen le minung del gunkei na-

hileh na salvah joulou ding ahi. David chun tunging chu amoh tum ahapon, hoitah (skilfully) in atum e kiti ahin hiche akon chun aman Israel gam asalvah in ahi. Daniel le aloiho jouse jong chu phatah a aum phat uvin lengpa le adang jouse chun amaho chu lamkai thei ahidan u akimudoh in Babylon gam asalvah tauvin ahi. Joseph chu aumna jousea mi sanga achungnunjohna le adindohna aum jeh I Egypt gamsung ana asalvah tan ahi.

Athoudoh a phatea thilbol le natongho in akimvel asalvah jiu ahi. Athoudoh hon asalvah teng uleh thuneihon kidang asajiuvn ahi. Vetsahna in, athoudoh jouse hi lengte in kidang anasa cheh uvin ahi. Lhaggam lengnu in Solomon thilbolho ahungmu chun agel sang in ana lamdangjo in ahi. Ajeh chu phatea kibol anahin ahi. Lhaggam lengnu in Solomon kom a thudoh hahsa tah tah adoh bang in na tho doh a na salvah tengleh mi tamtah hung in tin thudoh hahtah tah na hung doh ding u ahi.

Minu hihen chule ipi natong hijongleu hen tunin ibonchauvin inatohna mun uva ithoudoh kit thei uvin chule isalvah thei cheh uvin ahi. Ithodoh uva isalvah teng uleh mihem tamtah in Bible sim hih jongleh eiho eisim dingu ahi. Itibang dinmun hi jonglechu Thoudohin Salvah tan! Hichu Pathen lungdei ahi.

CHIBAI!! SAH CHUNGNUNG NUTE

Pi Hatnielam Haokip

President, Women Department

ARTICLE

NUTE NIKHO NI HIN NUTE JOUSE JANA, PACHATNA, NGAILUTNA CHULEH KIPANA CHIBAI KAHIN BOH UVE.

Muntina um nute achemasa 2020 kum in Covid-19 pandemic jeh in nute nikho kipahtah in anakimang theipon phamo akisa lseh in ahi.

2021 nute nikho kinem tah a inga jing u, nute lapi thah jong ihinsem uva Pathen thangvah nale tahsa le lhagao va kisuh hal na anom tah a man ding tia program ho jong kisema akihomdoh soh nungin vangset untah in Covit-19 (gamna hise) avel nina in eihiihpha taovin, ananiseh in adammo le athi akibe jingin hiche jih hin akigong bang-a iman thei diu ha iman thei lou diu ham akisei thei tapon ahi; lungnat vang aum lseh e. Tu dinmun hin Govt in mipi kititkhom akhah tauvin, khopi sung nute din ahah sa lseh in ahi. Ahivangin l-chenna gam u thinglhang gam ho vang atoh khah lou ding in kinep na aum na lai e. Ahoi hita jongleh iman thei dan dan uva Pathen thangvah nale nute jana nikho, pachatna, nute thilpha bol geldoh na nikho in ium na mun cheh uva man ding in kigo cheh u te.

Covit-19 pandemic in vannoi hotling hen lang kichat naleh lunggim na mipi lah a hinpolut jongle- NUTE NIKHO vang akikhel deh pon, Nute manlut na jong a lhadai deh poi. Natna asan chanin nute mopoh na jong atam cheh jon ahi.

Hijeh chun phat chomkhat chele vale boi henlang polama pot thei louvin insung a kikulkhup (Lockdown) in um jong leu hen nute ding in aboi beh setpoi.

Ajeh chu

-insung hi nute lenggam ahi

-insung hi nute Mission field ahi

-insunga Oja pha pen minu ahi

Hijeh chun nitina ongman lou hel a insung natoh/office natoh /

louna natoh itoh na ban uva phat chomkhat sunga hi insung mite toh phat iman khom uva thilpha tamtah ibol theiyu ahi in ahi.

Bolding a phaho:

1. Insung mite damthei nading le hatna dingin an pha pha in vah in.
2. Proverb 31:27 a kimu bangin insung mite che na va na ,lamhah najouse phaten vetoh dim dem in.
3. SOP for Covid-19 chingthei tah a jui dingin hil in.
4. Niseh in tuisa nga(5) veibeh donsah in chule tuisa hu nah sah jing jeng in,hichu Covid-19 ki ven na dinga phapen ahi(steaming).
5. Missionary nahi na ah-insung mite Bible sim in makai in tilkhou vin.Pathen thu chu lungmona pen ahi.
6. Atao jing jeng minu khat nahi na toh kilhon in insung mite toh Pathen henga taona a kibal phu a taona maicham sem jing jeng mi nu hi in.Ajeh chu hitobang gamna hise a kona eiveng bit thei yu chu Pathen khut thahat bou ahi.

Psalms 91:1-16 aseiy:

*Hat chungnung limdam noiya kisel jing
ho chu-Pathen in alhaving tenin huiyin tin
Alha teni noiya nasei ding ahi;
Thina thei gamna hise langa kona jong
Nahuh doh ding ahi ati.*

Hijeh chun nute ho hitobang phat khohpet laitah hin mohseh in umpoute Pathen ging in chingthei tah in insunga vai hom utin mi nu manlu ihinao **“SANA PAH JEM JOUSE SANGA MANLU JO”** tia Bible in asehi hi anatoh in vetsah ute. Amen

LYDIA RESOURCE CENTRE

Nisim 24 April, 2021 in T. Nampao Baptist Church a kon Pu Seithang Haokip, MDC, Samtal gamkai in Lydia Resource Centre, Tuibuong aum chate-naote kithopinan Rice 1bag, Bonga chule Anche-louhing ahungthah in, thilpha lentah ahung bolna chungah kipathu seijoulou kahin phonge. - Lhingbem Hkp. Warden, LRC,Tuibuong CCpur.

Mission Column

1. Amranjan Mission field Assam

23/03/2021] Evan.Thangkholun & Family vilpanale tilkhouna le taona akineipeh in, Anme choh nadingin Men Dept. KBC in Rs 1000/ Missionary family te akipen ahi pathen in Evangelist pule a insung mite phatthei boh jing taken. Hiche toh kilhonin Amranjan Mission field Fellowship a din Guitar khat akilam doh in Rev Tongmang Haokip Secretary Men Department KBC in pehdohna leh Guitar lhan dohna aneitan ahi.

Kipa Thu sein Thangkholun Missionary: "Tuchung pate camp a hung, lamkaiho, adeh a Mission secretary, Men secretary leh atoh khom pi hon Amranjan mission centre a apoimo penkhat a kinei guitar eichoh peh jeh uvin, fellowship member ho kakipahuve, pathenin alenggam machal jing nadin namang changing uhen."

2. Mission School Saijang Karbi –Anglong

Nisim 25th Marech 2021 nikho chun KBC Mission Centre Saijang Karbi - Anglong mun'a Mission School ding mun vilna akineitan ahi. KBC Men Secretary Rev Tongmang, President Men Dept. Pu Seikhohao Vaiphei, Gambih No.18 lamkai ho cheng toh vil lhahna akineitan ahi. Hiche lai mun'a hi Schooln khat bol'a gamsung mite tahsa leh lhagaova kitho khompi ding lung tup ahin, molsoa aum thei nadin taona in geldoh jingo hite.

3. Nisim 3/25/2021 Today's Women Worship Bekhuliang Baptist Church, Arunachal mission field

Hiche nikho hin Missionary Pastor Lalboi aineipi Happily Kipgen lamkai na in women Fellowship nom tah an ache lhan ahi. Hiche a Spekaer Mrs. Baselu Chiba W/Pastor. Special no. By Mrs. Dibenlu Sinya W/Deaconess, ana opangin ahi.

Nikho 3/26/2021 Today's Last Friday Fasting Program at Bekhuliang Baptist Church. Testimony sharing by 1. Mrs. Menalu Draai. 2. Mrs. Chonglu Bellai. 3. Mrs. Chakmai Tamai, amah o chenga kon'a Testimony sharing aum toh kilhonin hiche AnNgol Taokhopmna a chu Pastor Lalboi Kipgen in ana lamkaijin ahi.

4.KBC Gambih No. 12 Mission & Evangelism Mopohna An Ngol Taona um:

Tuni Dt. 27/3/2021 (Saturday) nin KBC Gambih No. 12 in Geljang Baptist Church mun ah Mission & Evangelism Board lamkai na in Gambih Anngol Taokhomna akinei in ahi. Gambih Pastor pa Pr. Lunlal Doungein in "Atong dinga kikou ihive" (Matthew 20:28) akon in thupi ase in ahi. Taokhom na a hin Gambih sunga kon mi 200 val ahung kikhom doh in ahi.

5. Atahsan thah Mi 11 Baptism changta: Panjab Mission Field:

27/3/2021 Pastor Amit Panjab: Pathen lungset in Panjab Mission field mi 11 ho chun Pakai Jesu Christa Huhing pu leh Pakaiya akisan jeh un Jesu Christa minin Baptism ana chang taovin ahi. Pathen in Houbung mite Taona asana hichana Pathen vangboh ichan jallun Pathen thangvah cheh u hite.

6. Fasting prayer at Baptist Church Tezu.

27/3/2021 Tulai ichenao Inda Gamsunga RSS hon nasatah'a Christian ho doiun dalkna nato anei jingo toh kilhonin Tezu mun'a Missionary Rev Nabin lamkaina na Fasting Prayer ana umin ahi. Tribal Christian ho ding'a Christian ahinao adalah lou leu Government a kon'a facilities ho amu thei lou nadiu phat hung lhung ding ho jeh in nasatah in tao pena angai chaovin ahi. Hijeh chun mun tina Houbung hon jong Arunachal Mission Field din taopeh jingo hite.

7. Indian Orphan Ministry toh tokhomna

Nisim 29th March 2021 Kuki Baptist Convention Partnership IOM hot oh tokhom ding akigon toh kilhonin Evangelist Pretty Lhingneilam chu Hapta khat (For one week) Training Guwahati a akichen hiche toh kilhonin nisim 29th March 2021 a Tunin KBC Mission board meeting akineijin hiche achun Evan Pretty Lhingneikim in IOM teho toh training achen report chomcha aneijin ahi. IOM hotoh tokhom ding hi alhang pia a) Tuition Centre b) Women Empowerment, c) Persecuted family ho kithopin ding ti ho ahi.

8. Two days House visit Arunachal Mission field Team of KBC:

Nisim 29-30 March KBC Missionaries Arunachal Mission field a um ho jousen Team work in Home Visit Programme an ache lhan ahi. Hiche sunga hin in 16 vildohna ana neijuin ahi. Ana adam lou taopeh na leh Houbung mi hio til khouna lent ah ana neijun ahi.

9.ood Friday leh Easter Sunday 2021 S Khodengthabi KBC Gambih No. 15

Nisim 2nd-4th April 2021 Sunga'a S Khudeng Thabi Houbung mun'a Good Friday leh Easter Sunday nikho ho Rev Lamkeng Lhouvum Mission Secretary Spekaer hin a in akiman chan ahi. Hiche sung'a hin Houbung ho haltah leh kipah tah in akimang chaovin, Easter Sunday nikhon Lhagaova lhada'i mi ijat ham khat in Pathen na kikat doh na anei taovin ahi. S. Khudeng Thabi Houbung mite a konin Tabitha Girls Hostel a Bible Choh na din mi tampi ahung kiphal doh un ahi. Pathen thang vah in um hen.

10. Moreh Mission Field a Missionary hotoh taokhomna

Nisim 3/4/21021 nikho chun KBC Mission field Moreh a umho Missionaries ho Missionary . Mangcha Haokip, Moreh Meitei Church, Rev mohanlal Hindi Baptist Church, Missionary Shoba Singh, Myanmar Mission field, Missionary Boilen Vaiphei, Haolenphai Dr. Colvin School chu amah o cheng toh Hindi Baptist Church Deacon Board ho toh Taokhomna akineijin ahin ahi.

11.Sikkim mission Fild Thilsoh:

Nisim 3/4/2021 KBC Mission field Houbung mite INN mun nei lou ahivin mi gam'a Cheng u ahi. Ahin Vangset umtah in Nisim 3/4r/2021 jan chun agam nei pan (in neipan) ana no doh un, mun chom ma a chen na diu IN mun khat in cheng thei diuvin aumtah ahi. Hijeh chun Rev Seiminthang @ Senpu Pa Pathen Chapa Pathen Lhagao theng Pathen min in tao na a ga nei pehtan ahi. Lungmong a aum thei nadiu vin tao kop jing u te.

12.Mission Individual Sponsored Thah ineibe taove. KIPA THUPHON

Kipa umtah in Pu Ngamlal Mate leh Family Moreh Baptist Church KBC No 15 in tukum 2021 kuma patna KBC Mission support dingin lhaseh a Rs. 1000/ pe din kilhan dohna neita. Hijeh chun Office minin vilna leh taopehna nisim 3/4/2021 nikho akineitan ahi.

13.Elijah Prayer Mountain Taona Manga hung kalsong kibe jinge.

Pakai a jana chang Pakai lhacha Revd. Paolun Haokip Pastor KBC C/C NGV Imphal leh Pa Jamlen Haokip Head-Deacon P. Geljang KBC no. 8 in EPM Gothol vilnaleh taona ahungnei lhon in amanijal in Pathen thangvah in umhen.

3/4/2021 KBC Gb no. 8 aum T. Champhai B/c akon Sunday School union (music class) hon Elijah Prayer Mountain. Gothol. Mun ah ann taokhomna ahungnei theijeh uvin ikipapiuvin, amahojal in Pathen thangvah in umtahn.

Nisim 6/4/2021] Tuni KBC Gambih no 11 aum T. Leijang W/D te in Elijah Prayer Mountain, Gothol mun ah Ann ngol taokhom na ahung nei theijeh uvin ikipapiuvin amahojal in Pathen ithangvah uvin ahi.

9/4/2021 Kipa umtah in Dt. 06-11 April 21 sopi Touthng innkon sung a Jangkulun (Jamkhomang) khailhah innkon in Elijah Prayer Mountain, Gothol mun ah Pathen heng ah "Harvest Camp" Min in "Na innsung kisemtup tan" 2 King 20:1 thupi mangchan Rev. D. Dounyel. leh Pastor Lunthang, amani Speaker hinaleh Evan. Ngangam Camp Director, a kimangcha uvin ahi. Hitobang a Pathen thu a kilungtohtah a kimangcha thei inkon hijing din Pathen in vangboh jingtaohen.

10/4/2021 KCK worship team Tuibong cccpur hon Elijah Prayer Mountain, Gothol. Mun ah Ann ngoltaokhom na ahungneitheijeh uvin Pathen thangvah in umtahn.

11/4/2021 Kipa umtah in tunin KBC no. 7 aum L. Hengjol Baptist Church Board of Deacon holeh Houbung member phabep khat in Elijah Prayer Mountain. Gothol. Mun vilnaleh Ann ngoltaokhomna ahung neiuvin, amahojal in Pathen ithangvah uve.

17/4/2021 Tunin EBCC. Baptist Children Department. Prayer Fellowship. Mata village hon EPM. Gothol mun ah taokhom na ahungnei uvin amahojal in Pathen thangvah in umtahn.

17/4/2021] Pakai ja lhasam louhel atomngai tah in IBMC Women Group hon Elijah Prayer Mountain, Gothol mun a Ann ngol taokhom na ahungneiuvin ikipapiuvin Pathen thangvah in umtahn.

18/4/21 Kangpokpi C/C akon in nute taona apan la phabep khat in Elijah Prayer Mountain, Gothol ah Ann ngol taona ahung neujeh uvin ikipapiuvin amahojal in Pathen thangvah in umtahn 20/4/2021 Pakai ang a kineosahtah leh kisunem a nikhokhat Ann ngol taona tuni dt 20/04/2021 (tuesday) nin Kangpokpi. Centre Church. Church worker mi somsagi (mi 70) hon EPM. Gothol mun a ahung neitheijeh uvin Pathen chu thangvah in umtahn.

14. KBC Meitei Mission Field Easter Sunday Loupitah a kimang 4/4/2021] Rev Manglen: Resurrection day Urban Baptist Church Thangmeiband, Church Service Thupi tah'a kiman toh kilhonin Mi 7 Counselling akibol in Mithum in huh hingpu Jesu tahsan na aneyin ahi, Counselling Prog ramme kichaiyin mipi Kipana Easter Sunday Feast loupitah in akineitan ahi.

15. KBC Mission field Punjab a hin Fellowship 3

KBC Panjab Mission field Fellowship 3 ineijun un Baptist member mi - 50 val inei un Gampam a Mission field inei hou lah a kipa umtah chu ningkum in Easter Sunday offering ahin thot un, tukum in jong KBC office a Easter Sunday offering Rs 5,000/- ahin thot nun ahi. Punjab Mission filed a Missionary Rev. Amit Sandela leh ani-nu Evan Kabita amani jong pachat umtah tantih neilouva Mission natong ahi jing un kipa thu kahin phong un Pathen in phatthei bohjing taohen

16. KBC Mission Field Tripura vil lhahna um.

Nisim 8/4/2021 KBC Centre Church New Lambulane Houbung ten jong tukum 2021 sung'a hi KBC Mission Field Tripura Houin khat sah ding ti lungel anei u toh kilhonin KBC Centre Church Mission Secretary Pu Seilen Lupho Tripura Mission field Houin sahna ding mun ve din achetan ahi. KBC Houbung ho jouse Tha lhengin kipa thu kahin phonge.

17. KBC Mission Board in KBC Gambih No. 9 Houbung ho vilna nei.

10/4/2021 Mission Board ho Greoup 3 in ki hom khen in KBC Gambih No. 9 Houbung chom chom vil na kineitan ahi.

1. Mata Lambulane : Pu S Athang Haokip leh Pu Lenboi Singsit
2. Tuinom Baptist Church: Pu Thangkholun Haokip le Pu Haojakam Doungel
3. KBC Centre Church Hill Town Rev Lamkeng leh Pu Neka Vaiphei hiti chun Houbung ho vilna akineitan ahi.

Houbung miten Pakai min nin chan ei neikhompiuvin kipa aum lleh jengin ahi. Pathen in vang boh jing taken.

18. One Day Seminer Areunachal Mission field :

10/4/2021] Shivaji Nagar Baptist Church Mun'a nikho khat seminer an ache lhatan Pathen thang vah in um hen . Khantou na dinga machal jing ding Thupi mang chan (1 Corinth. 9:25). Hiche Seminar chu an ache lhan ahi.

19. Tamang Paova Tamang None Christian ho henga Pathen thu kiseipeh.

Nisim 11/4/2021 Misssionary Kamal Tamang Leplen Mission field None Christian Tamang Nepali ho kom'a kipana Thupha aseiphong peh taovin ahi. Hitobang amah o pao tah a kipana Thupha kiseiphong hi ama sa pen jong ahinalaiye.

20. Kolgam'a kon'a hung jamlut ho boipina:

Nisim 12/4/2021 Isopi hou Kol gam a kon in mi 150 tabang Haolenphai a ahung jamlut uvin Ingset aum thei lleh uvin ahi. Hiche a Boina toh ho chu Missinary Jangminlen Vaiphei le Team hon nasa tah in ana boipiuvin ahi. Hijeh chun Pathen lenggam toh khompi ho iatao nao van hin gel doh jngu the.

12/4 /2021] Kolgam'a kona hung jamlut ho Tuni KSO Moreh Block lamkaina noija Charity Concert Moreh Bazar a anakibol. Myanmar hi ajou chan le ageldoh chan in kithopi ding lomtah ahi.

21. Sikkim Missionary dia Commissioning Service akibol peh tan ahi.

Nisim 11/4/2021 Missionary a Kalsong tading KBC Gambih no, 9 Mata Lambulane Houbung a kon Stephen Lunkhugin Haokip le aloinu (ajinu) Kim @ Carolyn Haokip KBC Missionary khat hina noija Missionary to Sikkim dia Lhandoh ahilhontai. Amahi Missionary conference Kangpokpi 2019 muna chu Missionary dia ana kipedoh a ji kaneija kajinutoh Pathen natong dia kavaikon lhon ding ahi tia ana kitem ahi. Vaikon lhon ding tah jeh in KBC Mission board in Dt 11/4/21 sun nikhon Achenna Mata lambulane Baptist Church a Rev Lamkeng Mission secy KBC, Kin themPu hina leh Rev Ngulpao haokip Speaker hina in hiche kin loupe tah chu an ache lhan ahi

22. Elijah Prayer Mountain, Gothol. Main Gate: Kipa Thuphon

17th April 2021. KBC C/C New-Lambulane. Mission Board. Elijah Prayer Mountain Main donated inabol pihjaluvn tulai Meetei te Molkal ho akon in taonamol hi aventup anom chom llehjeng in hijehchun C/C New Lambulane ho Houbung ho chungga kipathu nasatah in kahin phong e.

23. S Khudeng Thabi Nepali ho lah'a evangiltic Campaign um

Nisim 18/4/2021 Evan. Anil Tamang toh S.khudengthabi a um sopi Hindi speaking ho toh kiman chah khom na ana umin ahi.

24. Sikkim Mission natoh machal jinge

18/4/2021] Senpu Haokip: Pathen lungset in KBC Mission field Sikkim ama chal jing toh lhon in tu tu hin Houin Church khat hi Houbung miten ka ngai cha lhez u vin, Pathen na tao na ngai chat ahi jing e.

25. Tripura Mission Field Houin sah kiapanta Taona in geldoh u hite

19/4/2021] Tripura Mission Field ilutnao Pathen lungset in kum 3/4 ahung hitan, Houin sapan theui dia l um jallun kipa thu iphongun ahi. Houin sah na ding in amun aki suh Cham sah in ahi. Gam sung mite leh thil dang dang'a kon'a boina ito lou na diuvin Tao na pang jingo hite.

26. Mission Field Visit ding kisuhai, Taona in gel doh jingo hite

Sikkim mission field & Nepal vildia kigong KBC Mission board le missionary a kalsongding Stephen Lunkhogin le ainneipi Dt 24/4/21 (sat) nia kalsongdoh ding ana kiti chu Gamsung Covid 19 thu boijihin agam sung miten midang lutsah louding ti thu aumjehin tutadia cheloudin aumtan ahi. Hijeh chun Houbung miten nikhat leh Missionary Family te akal son thei na diuvin Taona in geldoh jingo hite.

27. Nepali Mission Field Youth Camp ana c helhan ahi.

Nisim 10-11th April 2021 Sung Chingmeirong Nepali Field a Youth camp an ache lhan ahi. Speaker Rev Jeeten, Gajmer, Rev Manu Tamang, Chuleh Counsellor Evan. Bijay ana pangun ahi. Vahchoila lasa Miss Gloria le Rabika ana pangin, khang dong mi 11 in Pakai chu akisan taovin ahi.

28. Meitei Field One Day Gospel Campaign at Karong

Pastor Bijenta Singh lamkai na in achesa 20/4/2021 nikho chun None Christian ho lah'a one day Gospel campaign ana kiboltan ahi. Pathen in kBC Mission natoh phat thei boh jing hen.

29. Mission Secretary Tour:

16-18 April KBC Secretaries Tour Programme ahitoh kilhonin KBC Gambih 17 Chahssad Area vilna akineijin ahi. Pathen lungset in Gambih lamkai ho cheng toh 17th April nikhon Seminar akinei khomin chuin keima nganse kahi dung juijin Molvailup Baptist Church kajonin ahi, Saturday nilhah leh Sunday jingkah Molvailup a kaki mang chan ahi. Chuleh Sunday ni sunin Lakhan B/C a kaki mang chan ahi. Hiche kah lah'a hin Aishi B/C ECA lamkai hotoh jong phat chom khat kihoulim khomna ahung kinei jin ahi.

Pathen in KBC Mission natoh phat thei boh jing taken.

Men Column

Rev. Tongmang Haokip

Convention Men Department khan tounale na kitongho achom lamtah report petheija kaumjeh in Pathen kathang vahe chule muntin na Houbung mite jouse kangailutna salam kahin peouve.

(1) Anivechanna Pate Revival Camp:- Convention Men Department Annual Assembly Gothol Baptist Church (Elijah taona Moul) KBC/MD/DAS/2020 Resolution NO. 4. a kiphatsah dung juija tukum 2021 sungahi Pate Revival Camp boldinga kiphatsana bangin Pathen mapuina jalin, Pate Revival Camp anivechanna KBC Gambih NO. 11. Sangaikot Area, Convention Men Department le Gambih Men Department kithom khomna jal in achesa Dt 20—24 April 2021 sungin. Rev. Demkhoneh Doungel le Rev. Tongmang Haokip Secretary Men Dept. KBC Speaker hinale Rev. Mangkholen Kipgen Councillor chule Rev. Paosei Haokip Camp Director Gambih Pastor chule Pathen vahchoina lasa Ng Lhingneichong (Artistes) pan nan Gambih Lamkai changtoh kitho khom in Pate Revival Camp anakibolin, Gamsunga Pate ho upacheh kineppi umcheh mi 106 (jakhatle gup) ahung pangun amaho jalin Pathen kathang vahe.

Pate Revival Campma hung pang jouse Lhagao lama kipah taha inlanga akinungle sohkei theijeh un Pathen kathang vahe, chule amaban chehuva jong pathen in phatthei boh jing kei taohen. Pate Revival Camp lolhing nathei dinga jingkah nilhah a Anneh tuidon lupna touna Pakai minna eisepehu khosung Houbung mite jouse chungga jong kipa thu sangtah in kahin phonge athipha bolna chungga pathen in phatthei boh jing taohen.

(2) Lom Resource Centre (LRC) munna na kitong:- Lom Resource Centre muna Men Department (Pate) khantou nathei dingin na akitong jingin ahi. Cawkidar/Care taker pan jong nisehin na atongjingin khonungle Resoure phatah ahung sona thei dingin na akitong jingin, tukum in jong Kolchu (suger cane) phung 4500 (sanglile janga) akitun ahi. Kolchu phung 2000 (sangni) hi PU Ngamsei Haokip Haotah kholen Baptist Church Gambih NO. 9 a male a Insung miten Convention Men Department le Pathen ngailut najala Pakai minna kipehna ahinto ahi. Pu Ngamseile Haokiple ainsung mite chungga kipathu kahin phonge Pathen in phatthei boh jing taohen.

Thuchaina : Convention Men Department lhagao lamma akhan toujing nathei dingle mailam ma Pate Revival Camp boldinga kigongho akidoldohna thei dingin muntina Patehon jong pan hila jing dingin Pakai min temna kahin nei jinge. Pathen in Convention Men Department phat thei boh jing boh jing taohen.

Youth Column

*Rev. Lunkhosei Tuboi
Secretary Youth Department*

1st KBC Central Choir Meet-2021 Lolhing tah a kichai:

Pathen mapui hoi najallin, achesa Nisim 14-18/04/2021 chan na dia ana kigong KBC Central Choir Meet chu L.Sareikhong Baptist Church KBC Gambih No.2 mun ah ana kineijin, Damselle bit keichan lolhing tah in ana kichai thei tan Pathen thangvah in um taken. Hichi la jil sung in L.Sareikhong Baptist Church Houbung miten, kipah thanom tah in eina sasah uvin, Ahideh in Deacon board makai nan kilom tah in neh le chah lhun na gena tou na kilom tah in eisem pih u vin kipa na alen lleh jeng'e. la kijil naphat sung in mipi kaikhom na jong akineijin, Gambih Executive in jong lomtah in lem na le vailhun vailhah na eisem pih uvin achung uva kipa na sang tah kahin phong uvin ahi.

Pathen in Houbung mite le KBC Gambih No.2 phatthei boh cheh tao hen.

MULAM PASAL CAMP LOLHING TAH IN AKICHAJIN AHI:

Achesa Nisim 22-25/04/2021 chun Mulam Baptist KBC Gambih No.2 a Camper mi 35 pan nale Rev. Lunkhosei Tuboi, Pasal Camp Speaker hinan lolhing tah in akichai jin Pathen thangvah na peu hite. Hiche Camp achun Gl. Haoneo Haokip, Artist KUGAA makai nan Vahchoi la ho jong sah khom nale kisuh hal na jong aum jin ahi. Camp akon na mi 22 in Pakai heng'a kilhan doh nale hinkho thah mang tadin jong kitep na anei jun ahi. Pathen in Mulam Baptist Church Houbung mite umpi jing taken.

BIBIE QUEST THUDOL HETSAH NA:

Kuki Baptist Convention, Youth Department tohgon na noija kumsih le ana kibol jing Bible Quest chu tukum jong boljom ding akiti to kilhon in ahung lhun ding October Nisim 10th 2021 teng le themvet na kinei kit ding ahitan, hiche a pan la nom jousen jong kigot pan na inei thei u ahitan, chule pan lanom jousen Form fill-up jong kibol pan thei ahitai. Details Anoja hin kahin pen ahi.

Exam Portion : Gospel Mathew to Gospel John

Exam Date : 10th October 2021

Form man : Rs.50

Language : Thadou-Kuki

Exam type : Multiple Choice= 80 mark, Very Short Answer =10 Mark
Fill-up the Blank =5 Mark & Memory Verse= 5 Mark hid-

ing ahi.

Exam Form mu

Nathei mun ho : KBC Gambih jouse a Youth Chairman & Secretary kom
chule KBC Youth Department Office

Details Contact : Youth Department Secretary =8414919588

Holistic Development Column

Rev. Onkho Haokip,
Director, Holistic Development Committee.

KBC Holistic Development Committee (Kilolna No. 6, March 10, 2021) phatsah dungjuin in tukum Event Calendar (2021) a Environment Sunday hi KBC Worker-ho le CEC member-ho Pulpit Exchange bol'a Environment chungchang thudol phatah'a lhang sap ding akidei toh lhon in tohgon lolhin theina ding in noiya bang hin thilgon ahung kitahlang in Pakai min'a ana khohsah cheh ding in avel in tem ihuive.

1. Gambih le Centre Church Pastor-ho in eima mopohna Gambih le Houbung'a hung kalsong dingho le ahung na ding'u houbung lamkaiho aphot chaa ina guijop diu ahi.

2. Speaker Chart hung kithot (Hard copy a Envelop a hung kithot) hi ahideh'a Worker-ho le CEC member-ho mi 82 vel bep hung jao ahin eima gambih sung'a Speaker hung kisol louna munho hi Gambih Pastor le Gambih Executive in nana vettou uva nangho sung le Gambih sung'a sol thei miho nana sol thei ding'u ahi. Koi tobang Tour Chart ana mulou ium khah uleh KBC Office Development Section akon Copy (Soft/Hard) muthei hijing ding ahi

3. Kaikhomna hi Houbung lamkaiho le Speaker-ho kihoutoh dungjuiya jingkah/nilhah kimankhomna um thei ding ahi.

4. Environment Day Offering hi houbung jousea phatah'a bol sah tei ding ahin hichu KBC Development natohnaa kimang ding ahi.

5. Environment Sunday iman ding'u toh lhon'a June First Week le Second Week sung hi eima gambih le houbung mite in Church Office, Gambih Office chule kho le veng sungdung'a thingkeh jatchom chom tunaa inei ding'u ahi. Ijemtia Sarkar akon thingkeh lah angai jongleh eimaho mama in eima umna toh kinaipen Forest Department a lahna thei lampi ina hol cheh ding'u ahitai.

6. Tuchung Environment Day Thupi hi **"Abonchauvin nangma toh hinkhom sah in,"** Gen. 6:19 (**Keep them alive with thee**) hi hiding ahin hiche dungjuiya thupi ina kigon thei dingu ahin Office akon ajong Thupi (Write up khat) hung kisol ding ahi.

7. Pathen lhacha/Speaker khat hina in seidoth nom tamtah le pohnatna chom chom tamtah um jongleh Environment thudol le KBC Development thudol, ahideh'a Kukite chenna gam le go thudol bou hatah'a isapphong tei ding'u ahi.

8. KBC Development tohgonho lolhin theina ding le Environment chung chang'a machal theina ding'a mipi taokhomna neipi ding ahi. Taona Item-ho hi Speaker Chart toh ahung kisoltha in ahi.

9. Covid-19 jeh'a mipi houin kaikhom theilouna ahung um khah jongleh Virtual/online hihen ipi lampi hileh ahithei ding pen khat'a mopohna ala cheh ding in jong tem ihuive.

Environment Sunday houkhom kimanchah ding dan

Houkhom lamkai	: Youth Chairman
Thangvahna La	: Thilsem Ju le va (Ladeilhen No.193)
Thangvahna Tao	: Mission Secretary
Houhung phat	: Church Secretary/ Head Deacon, etc
Pathen vahchoinala	: Church Choir/ Special number
Thupi (Offering thenso)	: Guest Speaker/ houbung ngansepen
Thangvahna La	: Thilsem kidang (Hb. La No. 343)
Thangvahna tao	: Mipi achai ding Church Treasurer

(Note: hiche hi alhangpia hung kigong ahin hiche sanga hoijo le phajoa jong eima cheh in kigon thei ahi)

Environment Sunday Taona Item

1. Development Committee member-ho le Staff-ho ding'a taona
2. Evangelical Fellowship of India Commission on Relief (EFICOR) toh kithokhom'a alohin jing theina ding'a taona
3. ABAFARM: Adonai Beacon Agrotech Farm (ABAFARM) toh tohkhomna lolhin jing theina ding'a taona
4. Manipur Baptist Convention (MBC) toh tohkhomna lolhin jing theina ding'a taona
5. Christian Auxiliary for Social Action (CASA) toh tohkhomna lolhin jing theina ding'a taona
6. Development le Youth Department kitkhokhomnaa Blood Donation Campaign lolhin jing theina ding
7. Development Committee Vehicle Project lolhin theina ding
8. Kukite chenna gam leiset, muchi chivo le thingna lounaho Pathen deilam'a akimanchah theina ding
9. Kukite inchen khosah khantou theina ding Pathen lenggam na itohnauva ikingansenau le ikitepnau Pathen lungdei bang'a subulhit cheh ding in Pakai min in avel in temna ka hin nei kit uvin ahi.

Pakai le mipi lhacha

Rev. Dr. M. Thongkhosei Haokip,
General Secretary,
Kuki Baptist Convention

Office Diary

1. Secretary Tour to KBC Gambih No.17

Pathen mapui nale lhonpi najallin achesa Nisim 16-18/04/2021- Friday-Sunday nikhon Chassad Gamkai KBC Gambih No.17 ah Secretary Tour lin aga kikal song in ahi.

Date 16/04/2021 Nilhah in Chassad Centre Church a Gambih lamkai ho le Houbung Lamkai ho toh Interaction Session akinei khom in, Gambih le Houbung sung'a Issue hole het dia poima ho kihou lim khom na akineijin lolhing tah in akichai jin ahi.

Nisim 17 Saturday nin Seminar akibol lin KBC Department wise le General wise in akineijin mipi kipa na keo hilou vin, kihet khel to nathei ho jong seitoh in aum thei jin ahi, hiche to lhon in Nilhah in Houbung phatbep khat nah kiman chah na aga kinei jin ahi.

2. Inmei ka ho vil na akinei jin ahi:

KBC houbung munthum jen nah hetman lou le Vangset umtah in, meijin in thum jen anaka lhan hejeh chun vangset natoh insung mite lunghem hu vetsah nan jokham kham in KBC Office akon in kithopi na aga kineijin chule Pathen heng'a taopih nale vangthum pih na jong aga kineijin ahi. Jokham kham ma kipe doh ho noiija hin kahin tah lange

1. Pu. Jamkhomang Haokip Head Deacon P.Khomunnom, KBC No.11 Rs. 20000,
2. Pi Nengvah Sipijang KBC No.4, Rs. 20000
3. Pu. Lethang Haokip, H. Lhangcham KBC No.15 Rs. 20000

3. KANGPOKPI CHRISTIAN HOSPITAL CENTENARY CELEBRATION:

Nisim 31st 2021st Wednesday nikhon Kangpokpi Christian Hospital Centenary Celebration (KCH) kin nah KBC thalheng in Pu Rev. Tonglet Haokip, President KBC le Pu Rev. Dr. Thongkhosei Haokip le Office Secretary ho cheng toh kalson na aga kineijin ahi, chule hiche kingon na chun Worship & Celebration Hall mun ah Rev. Lamkeng Mission Secretary in Programme Moderator hi na pan mun alan ahi.

4. MBC 200th Executive Council & 41st General Assembly

Achesa Nisim 20th -21st April nikhon Monsang Naga Baptist Churches Association (MNBCA) mun na MBC 200th Executive Council & 41st General Assembly ana kinei jin KBC thalheng in Pu Rev. Dr. M. Thongkhosei Haokip, General Secretary le Pu Rev. Thongkholun Touthang, Finance Secretary in pan aga la lhon in ahi, chule MBC Former General Secretary, Rev. Dr.W. Konghar fare-well Programme jong akibol pih in chule Incoming General Secretary Rev. K.Losu Mao, jong Installation Programme akinei pih in ahi.

DIARY**CENTRE CHURCH LE GAMBIH-HO****GAMBIH NO.1**

a) **Youth Camp:** April 10-14, 2021 sungin KBC C/C New Lambulane houbung in "Na Pathen lamto din kigon." Amos 4:12 thupi mangchan Catholic Retreat Centre munna Youth Camp anabol un, hiche Camp a hin nungah 34 le gollhang 53, agom a mi 87 in pan lahna aneijun, Pathenin kidang tahin khangthahte ho lah'a na lentah atongin ahi. Camp Speaker, Camp Director chuleh Counsellor le Song leader in Pastor Elvis Nehlal Haokip, Rev. S. Vaiphei, Evan. Minlun Haokip chuleh Evan. Lalboi Baite apangun ahi.

b) **Baptism Service:** Nisim 17th April in KBC C/C New Lambulane a tahsan thah ho twilutna akibol peh in, Nungah 21 le Gollhang 25, agom in mi 46 in Christa a tahsan phondohna anei utoh lhonnin baptized akichan sah tai. -Rev. S. Vaiphei

c) **B/Ch. Chassad Avenue:** Nisim 21, April 2021 nikho in KBC a dinga kineppi umtah Baptist Church Chassad Avenue new building, Building Committee Chairman, Pu Letthang Haokip makainan Roofing akipan tai. Pathenin amachal jing nadin phatthei bohjing taken.

d) **KBC C/C Canaan Veng:** April nisim 1, 2021 in KBC C/Ch. Canaan Veng, Imphal a numei 3 in Christa tahsan phondohna anei utoh lhonnin Rev. Tonglal Haokip, Church Pastor khutnah twilutna anei tauve.

GAMBIH NO. 2

a) **A 3 vei lhinna Gambih Gospel Olympic:** Nisim 19-23 April, 2021 sungin G. Pashong B/Ch. mun a khangthah mi 300 chunglam jaonan lolhing tahin akimang chai tai. Hiche Olympic sunga hin kichep-golseh chom chom a kitetna aum in, Houbung tin a Youth ten jong pan ala soh keijun ahi. Gambih No.2 khangthahte ho Pathenin umpi jing tauhen. -Pastor Haopu Doungel, KBC No.2

b) **Yangnomphai B/Ch. Nute Camp:** Achesa nisim April 15-18, 2021 sungin Yangnomphai Baptist Church munna Houbung Nute Camp akibol in, Ms. Anem Haokip, Former Women Secretary, KBC le Evan. Chingboi Chongloi, Speaker hinan 'Minu dinmun; chate le inneipute chung a minu mopohna chuleh minu manlutdan ho' kihilna aneiyun, minu tamtah in aphantchompi lhez jeng uve. Tomngai nute 35 vel Camper in apang uvin, Pathen phatna jallin Nute Camp lolhing tah in akichai tai.

GAMBIH NO. 4

• **SP Ngaimun Chate Camp:** Houbung mite taopehna jallin, nisim 8-11 April, 2021 sungin SP Ngaimun a "Chate Camp", Rev. Henkhomang Tuboi, Speaker hinan lolhing tah in chai ahitai. Tuchung Camp a kon Jesu Christa a huhhingpu a kisan, tahsan thah mi 10 jong Baptized achang un ahi. Hiche khosung hi eiho Kukite a dinga kineppi umtah kho khat jong ahi.

Loupina Pathen chang taken -Rev.Henkhomang Tuboi, Pastor, C/C Salem Sapormeina.

GAMBIH NO. 5.

a) Gopibung B/Ch. Men Dept. Silver Jubilee: Pathen puihoina jallin, kum 25 lhinna Jubilee, nisim 21/4/21 nikhon Gambih Pastor, Minister hinan Programme lolhing tahin akimang tai. Jubilee Thupi: "Pasal jousen khut theng dom u'hen." 1 Tim. 2:8b.

b) 57th Foundation Day of K.Solam B/Church Youth Dept.: Keithelmanbi Solam Baptist Church Youth Department 57th Foundation Day Program, nisim 23/4/21 in Gambih Pastor, Speaker hinan lolhing tahin akimang tai. "Nakhangdon lai jin nasempa geldoh in," Eccl. 12:1, 11:9 ti thupi a akiman toh lhonnin program sungah lam chomchom in kitetna viz; Song Competition (Solo, Group), Debate, Extempore Speech chuleh Bible sim kitetna ho akibol in, Ng. Kimneineng Kipgen in vahchoi la ngaitah tah asan ahi.

c) Tahsan Twilutna Kin: Nisim 25/4/21 nikhon K.Solam B/Ch. a Christa huhingpu le lengpa a kisan a tahsan kihetchetna twilutna, Pasal-3 leh Numei 2 in Pathen loupina dingin Gambih Pastor khut a Baptisma Pa-Pathen, Chapa-Pathen chule Lhagao theng Pathen minin Twilutna anei tauve.

d) Kangpokpi C/C Anngol Taokhomna: Pakai anga kineosah tah le kisunem pum in, nisim 20/04/2021 (Tuesday) nin Kangpokpi Centre Church Church Workers (mi 70) hon nikho khat An-ngol Taona, Elijah Prayer Mountain, Gothol munna anei tauvin ahi.

e) Gambih An-ngol Taokhomna: A nivei channa Gambih Taokhomna, nisim 24/4/21 nikhon Centre Church, Kpi. munna Gambih Pastor, Speaker hinan akibollin ahi. "Tahsan tah taona neidin..." (Text Mt.21:22) mangchan Speaker in tilkhouna anei jin, Gambih sunga houbung ho akonin mi 209 akikhom doh jouvin ahie. Pathen in Gambih No.5 mapui jing taken.

GAMBIH NO. 6

a) Tahsan Twilutna: Nisim 04/04/2021 in Holjang B/Ch. ah Numei 3 le Pasal 3 (agoma mi 6) chuleh, nisim 25/04/2021 nikho in Kotlen B/Church muna numei 5 le pasal 1 (agoma mi 6) Pastor Letminlal Khongsai, Gambih Pastor khut'a tahsan twilutna ananei tauvin ahi.

b) Kichenna Kintheng: Nisim 16/04/2021 nikho in Kotlen B/Ch. KBC No.6 ah Gl. Hemminlen Haokip le Ng. Hatneihoi Haokip Kichenna Kintheng, Pastor Letminlal Khongsai, Gambih Pastor, Kinthempu hinan lolhing tahin akibol in ahi.

c) Songjang B/Ch. Chate Camp: Women Dept. KBC tohgonna noiya kigong Chate Camp, nisim 20-23 March, 2021 sungin Songjang Baptist Church munna akibol tai. Houbung chapang 150 val Camper ahiuvin, Ms. Lhingboi Kipgen, Secretary, Women Dept. makaina noiyah Speaker le Resource Team in Evan. Chingboi Chongloi, Mrs & Rev. Mimin Haokip, Missionary to SEA chuleh Pu Nehminthang Haokip apang uvin ahi. Camp sungse a tomngai

tah a panla Houbung Nute le Gambih Pastor chungah kipathu sangtah in akiseiye. - Lhingboi Kipgen, Women Secy. KBC

GAMBIH NO. 7

• **Gambih Executive Tour:** Tukum 2021 sunga dinga Gambih No.7 Executive Tour (First Phase), Pathen lungsetna jallin 19-26 April, 2021 sungin lolhing tah in akichai tan ahi. Hiche hi Gambih Pastor makaina noiya atohkhompi Gambih Executives, mi 14 in pan alahna Tour Programme ahi.

GAMBIH NO. 8

a) **BYPF Fasting Prayer:** Anivei channa KBC Gambih No.8 Baptist Youth Prayer Fellowship Anngol Taokhomna, nisim 24 April, 2021 nikho in T.Champhai B/Ch. munna lolhing tahin akibol in ahi.

b) **Changlei B/Ch. Kipa Thuphon:** KBC C/C Langol in Changlei B/Ch., KBC No.8 Hou-inn a manchah dingin Long Benches hoisel tamtah eipeuvin, Houbung mipi ateh-akhang in kipathu seijoulou kahin sei uve. Pathenin hiche sanga thilpha lentah boldoh jing dingin KBC C/C Langol phatthei bohjing taken. -Changlei B/Ch.

c) **Gambih Men Dept. Taokhomna:** "Ahin hitobang hohi an-ngol taona beijin ahungdoh jipoi. Matt.17:21" ti thupi mangcha in, nisim 17/4/2021 in KBC C/C Neihsiel Veng ah Gambih Men Dept. in an-ngol taona akineijin ahi. Rev. Mangpithang Haokip in taokhomna alamkaijin, Gamsung pumpi lhagao le tahsa a adamtheina ding chule Hou lamkai le Tahsa kiloikhomna a lamkai ho dingin jong taokhomna giltah in akineijin ahi.

GAMBIH NO. 10

• **Gambih Taokhomna:** 24 April, 2021 nikho in Lanchah Baptist Church munnah, Anivei channa Gambih Taokhomna lolhing tah in akimang in ahi.

GAMBIH NO. 11

a) **Revival Progamme:** Achesa nisim 1- 4 April, 2021 sungin, Centre Church Sangaikot, KBC No.11 munnah Pastor Elvis Nehlal Haokip, Speaker hinan Revival Program aki neijin, Houbung sungah athah beh in lhagao lam ah halna akineijin ahi.

b) **Gambih Pate Camp:** KBC Men Department tohgon noiya kibol Gambih No.11 Pate Camp, nisim 20-24 April, 2021 sungin lolhing tah in akiboldoh tai. Pate Camp sunga hin mipa lhingchek, Pasal 106 (jakhat le gup) in pan ahung lauvin ahi. Camp Speakers in Rev. Demneh Doungel, Retd. Pastor, KBC leh Rev. Tongmang Haokip, Secretary, Men Department KBC apang lhonnin, Counselor: Rev. Mangkholen Kipgen, Koutum lasa dingin Ng. Nengneichong Haokip chuleh Rev. PP Haokip, Pastor KBC No. 11 in Camp director panmun alan ahi.

GAMBIH NO. 12

a) **Seminar on Church Administration & Accountancy:** Nisim 10 April, 2021 in Chahkap Baptist Church mun ah KBC Gambih No. 12 houbung jouse dingin "One Day Seminar on Church Administration & Accountancy"

akibol in ahi. Resource Person dingin KBC Administrative Office akon Rev. Thongkholun Touthang, Finance Secretary, KBC leh Pu Lhunkhomang Doungel, Accountant, KBC ahung kalsong lhonnin ahi. Rev.Thongkholun Touthang in Finance, Church Administration leh Hospitality thu a class ala in, Pu Lhunkhomang Doungel in Accountancy thu a gambih mite hilna aneiin ahi. Ahung kikhom Gambih/Houbung lamkai hon aki phatchompi lhez jengin ahi. Seminar a akikhom doh jat mong chu mi 60 val ahi.

b) KBC Gambih No.12 Solfa Training: Gambih Youth Dept. mopohna noiya kigong Solfa Training, Gambih Pastor in Pathen henga lhandohna ana neitoh kilhon in nisim 19-23/4/2021 (5 days) sungin lolhing tahin akibol chai tai. Gambih sunga kineppi umtah khangthah mi 34, Solfa Training a pang uvin ahi. Solfa jilkung in Gl. Hemminthang Haokip akimang in ahi. Amahi tumasang a KBC Central Choir a anapang, KBC Gambih No.7 Choir Director jong ana hi.

c) Twilelon Baptist Church: Achesa nisim 1-4 April, 2021 sungin Pastor Lhunkhongam Haokip, Pastor, C/C Sangaikot toh Twilelon Houbung miten Good Friday le Easter Sunday aki mangkhom in, hiche sunga chun Gari Maicham jong akisem in, Gari ahung kitollut cheng chu 43 le Cycle khat ahi.

d) Baptism Service: Nisim 24/4/2021 in Sarang Tampak Baptist Church, Gambih No. 12 munah Pastor Lunlal Doungel, Gambih Pastor in Apa, Acha chuleh Lhagao theng min in Gl. Seiminlun Baite twi ana lutsah tan ahi. Nilhah in lahlutna leh Pakai Anjon (Lord's Supper) jong akibol in ahi.

e) Gambih Pate An-ngol Taona: 23rd April, 2021 nikho in Aishi Baptist Church mun ah Men Department, KBC Gambih No.12 An-ngol Taona Nikho, Pastor Lunlal Doungel, Gambih Pastor Speaker hinan akimang khom in, Gambih sunga Pate 89 (Eighty Nine) ahung kikhomdoh in ahi. Taokhom kichai nilhah ankong din khonei houbung miten ahung kalsong jouse gamsa (Sajuh sa leh Ngelchang) tuitah ei-nehsah uvin ahi. Ahung kikhom pate jouse le khonei houbung mite chungah kipathu sangtah akiphong e. –Pastor Lunlal Doungel, Gambih Pastor

GAMBIH NO. 15

• **Gambih Pate An-ngol Taona:** Achesa nisim 24 April, 2021 nikho in Gambih Pate An-ngol Taona, Canan Veng Baptist Church munna lolhing tahin ana kibol in ahi.

Dt 13/ 03/2021 Nikho in KBC Gambih No 15 in H.Mongjang B/C mun a Anngol taona akinei in Speaker in Rev Thanglen Haokip Gambih Pastor apang in Mi 240 akikhom doh in lolhing tah in ana kichai tan ahi.

GAMBIH NO. 16

• **Music Training:** Pathen mapuina jallin, achesa nisim 12-18 April, 2021 sungin Gambih No.16, Youth Dept. in kum tohgon a aneyu "Music Training" chu Molnom B/Ch. munna lolhing tahin ana chelha tai. Gambih sung Houbung chom chom'a kon themjl dingin khangthah mi 43 ahung kalsong

doh uve. Jilkung in Gl. Paokhohang Haokip, Pallel le Gl. Gogou Haokip, Kinkin Village ECA, C.C.pur., apanglhon in Gambih Pastor Rev. T. Thangk-homang Haokip in khangdong te tilkhouna le Kin khumkhana aneiijn ahi. Molnom B/Ch. in neh le chah tuitah tah Training sunga abolpehna chungah kipathu sangtah in aki phong in ahi. Hettehina le khantouna khangdong te chungah Pathenin lhunsah jing taken.

GAMBIH NO. 17

• **MBC in Chassad vilna nei:** April 14, 2021 nikho in Manipur sunga Baptist Association 29 kiloikhomna MBC in Chassad vilna, taopehna le kithopina aneiijn ahi. MBC thalheng in Rev. T.Karang, MBC Peace & Development Director le Mr. Welster, Project Coordinator ana kalsong lhonnin, KBC thalheng in Rev. Onkho Haokip, KBC Holistic Development Director le Dr. Seilenkap Haokip, Dy. Director chuleh Pu Nehminthang ana kalsong uvin ahi. MBC a konnin kithopina thilpeh Rs.1,00,000/- (1 Lakh), Pastor Mangjapao Haokip, Pastor, C/C Chassad le Deacon Board chengin khutsanna anei uvin, taokhomna le ankong sokhomna jong akineiijn ahi.

GAMBIH NO. 18

• **Karbi Anglong Gambih Chate Camp:** Women Dept. KBC tohgonna noiya kigong Karbi Anglong Gambih Chate Camp, nisim 8-11 April, 2021 sungin Khoding Baptist Church munna akibol in, Gambih sung houbung munchom chom akonnin chapang 160 val ahung pang uvin ahi. Houbung dang (KBC hilou) a konnin jong chapang phachompi ahung pangun kipa aumlheh e. Ms. Lhingboi Kipgen, Secretary Women Dept. makaina noiyah Camp Speaker: Evan. Chingboi Chongloi, Camp Director: Evan. Thangkholun Kipgen, Amrajan Mission Centre, Counsellor: Ms. Sherlyn Khongsai, Missionary Teacher, Joujangtek chuleh Seminar's Resource team in Pastor Letjakai Singsit, Gambih Pastor le Pu Nehminthang Haokip apang in ahi. Hiche camp lolhin theina dinga paisa leh taona a pan hinla jouse chungah kipathu sangtah in kahin phong e.

GAMBIH NO. 19

a) A 8th Channa Gambih Youth Dept. An-ngol Taona: KBC No.19 Youth Department (Ekou Mulam Area) in a 8th channa An-ngol Taokhomna, nisim 23 April, 2021 in L. Salemphai Baptist Church munna jinglam nidan 08:00hrs. apat nilhah lam nidan 15:00hrs. sungin Gambih le Houbung jouse chuleh Nampi a dingin kisunem tah in taokhomna aneiijn ahi. Houbung sunga BYD chom chom hon labung asauvin, "An-ngol Taona hin thil aki khelsah-e." ti thupi mangchan Rev. Ngamkhopao Lungdim, Gb. Pastor in Pathen thu a houlimna aneiijn, lolhingtah in programme khumkha ahitai. Gambih sung Houbung 15 a konnin mi tomngai 250 vellin pan ahungla uvin ahi.

b) E. Mulam B/Ch. Revival Programme: April 23-25, 2021 sungin E.Mulam Baptist Church, KBC No.19 ah Church Revival Programme akimang in ahi. Revival Programme sungin Rev. Onkho Haokip, Director, KBC Holistic Development le Pastor Ginneo Haokip Speaker in apang lhonnin ahi.

KUKI CHRISTIANE LAH'A AMASAPENHO

1. 1977 kum in Hengbung Houbung mun a KBC Women "Fellowship" masapen ana kibolle.
2. KBC Youth "Fellowship" masapen 1973 kum in Khengjang Houbung mun'a ana kibolle.
3. 1960 kum in "Pakai Jesu Hinkho le Athuhil" simmun mangcha in KBC Sunday School masapen ana kibol pan e.
4. 1970 kum in Kangchup Bunglow mun KBC Worker "Retreat" masapen ana kibol e.
5. 1974 kum in Pu Paokholun Haokip Choir Director masapen hina in KBC "Choir" ana kiphtudoh e.
6. 1981 kum in KBC Houbung La with Tonic Solfa masapen chu Rev. Hawlngam Haokip hapanna jal in Baptist World Alliance (BWA) ten 20,000 USD ahinpe un, hiche sum chu CBCNEI Office a Christian Literature Centre (CLC) Guwahaty mopohna in copy 10,000 ana kitatdoh in September 2, 1981 nikho in MBC Imphal a Pu Pakia Mathu, General Manager, Christian Literature Centre (CLC) Guwahaty in thensona ana nei in ahi.
7. 1977 kum in KBC Kivaipohna sunga Internal Audit masapen ana kibol e.
8. 1983 kum in KBC Kivaipohna a "Evaluation Committee" ana kisemdoh masapen in ahi.
9. 1982 kum in Pu M. Thangkhosei Haokip Manager masapen hina in KBC Farm masapen Kholep gam a ana kiboldoh e.
10. 1982 kum in Litan Sareikhong mun a KBC Natong ho le ajiteu Training masapen anakibol e.

~ Courtesy : KBC Thuchinbu

TAHSA LEH LHAGAO PUIHINGTHEI THUGOLHO

1. Thusei thiem, houlim thiem hina din, i-seiding lekha'a kijih doh masatna chuleh i-sei dingdan kipachuh masat angaije. Seiding hoitah'a aban bana hin seilha theipa chu thusei thiem ahijenge. Thusei hi *art* khat ahin kithem chuh'a thepthei thil ahi.
2. Thinglhang loulho khang ahitapon kothah thah sem angaina umlou ahi. Kho neova chen lungneo naleh kibung khenna ahije, kholenna chengho lunglen jepding ahi. Eimite chenna kho ho *village* hijoulou *hamlet* (in umna noecha) jeng bou ahite.
3. Houbung/ Mission/ Phung/ Sports programme hajao hin lekhasim asuhboi thei ahi. Lekhasim hinsuboi thei programme holeh social media kuon adeh'a simlai chapangho kikangse ding ahi.
4. Eimite khochen leh inchen ivetna ahileh gal Galbol aphant na aum poi. Diplomatic/dialogue gal joh bol'a pha ahi. Gal in gal alamdoh in chamna alamdoh thei poi.
5. Japi lamkailen hi achi/anam khella ding ding ahijeh in lungmuon pithei kisuon pithei mi angaije. A hilouvin, a-lhing lhing joh pansah ding ahi. Nam khat ahin jading leh alungset thei nading hi alamkai pa chungu kingam ahi. Lamkai ding ilhinjou louleh mop thanop pouhite.
6. Mihem chung'a kinepna, ikinepna bang ahilou phatleh lhasetna ahithe je. Nangman najokham khamin kitoudel in. Amachang kitoudelho Pathien in akithopi ding ahi. Chuleh min ginchat louva nahin kithopi ahileh nakipana lenjo ding ahi.
7. Sum haoding nadeileh aholdan leh aveipung dingdan lekha nasim masat angaije. Vannoi mihaosa honzong hitia Chu anabol peh'u ahi. Hiche lampang hetnadin lekhabu tamtah aum e. Haona hi hung moh umjeng thei ahipon ahol hat hojoh in amuji ahi.

~ Courtesy: Kalbi 40

Servanthood Quotes

"We are to be generous not just in the results of our work, but also IN our work."
~Matt Perman

"Headship is the divine calling of a husband to take primary responsibility for Christ-like, servant leadership, protection, and provision in the home."
~John Piper

"To lead is to serve. Conversely, to serve is to lead. And if either of these elements are removed from the equation, we'll soon find that we're doing neither."
~Craig D. Lounsbrough

"The best and only way to minister supernaturally is by being yoked to Jesus, just making yourself into His servant, walking in His ways and imitating Him. Allow Him to change you!"
~Sunday Adelaja

"If God is going to be all that He is, I must reach a point where I am emptied of all that I am. It's only then that the fullness of God has space in the emptiness of me."
~Craig D. Lounsbrough

"Identify your divine gift and use it to serve humanity."
~Lailah Gifty Akita, Think Great: Be Great!

"Sacrifice is the giving of self so that I don't die in the service of self."
~Craig D. Lounsbrough

"Leadership must embody servanthood, for without it leadership will become the embodiment of our selfish agendas. And leadership of that sort will lead us to places that none of us want to go to."
~ Craig D. Lounsbrough

LUNGHEM PI NA



Rev. Dr. Kim Vaiphei Haokip, in eina mollem sen tah jah un, KBC a ding ajong suh mil thei lou ahina le ngailut na vetsah nan KBC Head Office akon in jong ponkhu na aga kinei jin ahi.

Women Dept. Sponsored
Chate Camp Gb. 18



Men Dept. Sponsored Camps Gambih 18 & Gambih 11



CC New Lambulane



SP Ngaimun Ngailut Chate Camp

Lha sunga mun pha bep a Tahsan Tuilutna kin ana um ho...



Mission Christian Hospital Centenary

Post Regd. MNP/81
Regd No. 18134/88

Secretaries Tour to Gambih 17



If undelivered, please return to
The Editor, KBC Thuso
KUKI BAPTIST CONVENTION
Opp. DM College, Imphal - 795 001
Contact: 9862633173